

starogradski haber

OPĆINA STARI GRAD
SARAJEVO



MUNICIPALITY OF STARI
GRAD SARAJEVO

- **Dani Općine Stari Grad Sarajevo**
- **Protokolarne aktivnosti Općinskog vijeća**
- **Međunarodna saradnja**

ZAVRŠENE DESETINE PROJEKATA U PRVOJ POLOVINI GODINE – NASTAVLJAMO S ULAGANJIMA

BESPLATAN PRIMJERAK • JULI, 2025., broj 63.

- 2-18 Komunalni i infrastrukturni projekti
- 19 Općinska inspekcija
- 20 – 27 Obilježavanje Dana Općine Stari Grad Sarajevo
- 28 – 29 Općinsko vijeće
- 30 - 38 Međunarodna saradnja i protokol
- 39 – 40 Podrška mladima
- 41 Akcija čišćenja
- 42 Podrška borcima



Impressum

- Izdavač:** Općina Stari Grad Sarajevo
- Pripremili:** Alma Imamović
Jasenko Jašarević
Nedim Šahović
Mirna Pecikoza
- Fotografije:** Haris Karamehmedović
- Štampa:** Grafika Šaran d.o.o.
- Tiraž:** 3000
- Adresa:** Zelenih beretki br. 4
71000 Sarajevo
- web:** www.starigrad.ba
- e-mail:** info@starigrad.ba
- Telefon:** +387 33 282 491



Projekti/radovi

Presjek infrastrukturnih radova Najobuhvatniji plan do

U prvim mjesecima 2025. godine, Općina Stari Grad Sarajevo bilježi intenzivno pitanje je najobuhvatniji program infrastrukturnih ulaganja dosad – i po broju i dinamike pojedinačnih izvođenja.



Cestovna infrastruktura

Općina Stari Grad Sarajevo započela je s realizacijom projekata iz Godišnjeg plana održavanja i rekonstrukcije saobraćajnica i prije zvaničnog početka građevinske sezone. U tom periodu završena je sanacija više ulica na području općine. Posebno je značajan putni pravac Bistrik–Trebević, koji ima stratešku važnost. Na ovom lokalitetu prošle godine su započeti radovi na tri dionice, dok je za ovu godinu planirana rekonstrukcija još jedne.

U međuvremenu, Općina je završila radove u ulici Za Beglukom, Ceste Federacije Bosne i Hercegovine završile su radove na tranzitu, a Direkcija za ceste Kantona Sarajevo u ulici Bistrik. Također, na osnovu potpisanog sporazuma, dodijeljena su sredstva Opštini Istočni Stari Grad, a radovi u ulici Hambina carina su u međuvremenu uspješno završeni. Ukupna vrijednost svih investicija iznosi oko dva miliona konvertibilnih maraka.

Radovi u prvim mjesecima 2025. godine sada, radovi širom Starog Grada

U prvim mjesecima 2025. godine počinje radovi na izgradnji i rekonstrukciji infrastrukturnih projekata širom općine. U ovom broju predstavljamo ulice i po ukupnom iznosu sredstava – koji se finansira iz različitih izvora i provodi u fazama, u zavisnosti od

Prva faza rekonstrukcije lokalne ceste Barice (vrijednost: cca 1 milion KM)

Projekt izgradnje i rekonstrukcije lokalne ceste Sedrenik – Barice – Čavljak realizira se u saradnji sa Direkcijom za puteve Kantona Sarajevo, u više faza. Ovaj projekt obuhvata modernizaciju saobraćajnice u dužini od 3.500 metara, počevši od raskrsnice Sedrenik pa sve do parkinga na Baricama. Ova saobraćajnica je od izuzetnog značaja za stanovnike Mjesne zajednice Sedrenik i šire, a inicijativa za njenu izgradnju datira još iz 2018. godine, kada su građani prvi put uputili zvaničan zahtjev. U okviru prve faze radova, postavljen je prvi sloj asfalta na dionici u dužini od cca 1.588 metara. Nakon toga, završena je druga faza radova, a u toku je treća faza radova na preostaloj dionici. Ovi infrastrukturni radovi doprinose boljoj povezanosti naselja u brdskim dijelovima općine, sigurnijem saobraćaju, kao i razvoju rekreativnih i turističkih potencijala koje područje Barica i Čavljaka posjeduje. Općina Stari Grad Sarajevo i Ministarstvo saobraćaja Kantona Sarajevo nastavljaju zajednički rad na unapređenju putne infrastrukture, s ciljem stvaranja boljih uslova za svakodnevni život građana i ravnomjernog razvoja svih mjesnih zajednica.

Ulica Grlica

U okviru projekta koji zajednički realizuju Općina Stari Grad i Direkcija za puteve Kantona Sarajevo, završeni su radovi na sanaciji ulice Grlica u Mjesnoj zajednici Mjedenica. Ranije su na području općine Stari Grad, u okviru ugovora potpisanog sa Direkcijom za puteve KS, sanirane ulice Pod Hridom, Hadžijska ravan, Bistrik basamaci i Paje sokak, a radovi još traju na sanaciji ulice Nevjestina, koji se također privode kraju.



Projekti/radovi



Krak ulice Moščanica br. 24

Uspješno je izvršen projekat sanacije i asfaltiranja dijela saobraćajnice za potrebe romskog naselja koje se nalazi na Moščanici. Također, asfaltiran je i pristupni put za stambene objekte u kojima živi desetine romskih porodica, kao i dio kanalizacione mreže.

Krak ulice Streljačka

Saniran je krak ulice Streljačka, gdje je asfaltiran makadamski put na dionici od broja 31 do broja 49, a radovi su uključili i sanaciju kanalizacione mreže. Cilj Općine Stari Grad Sarajevo je da asfaltira sve makadamske puteve koji su ucrtni kao ceste, kako u 21. stoljeću ne bi imali puteve koji nisu asfaltirani. Ova saobraćajnica je od velikog značaja za lokalno stanovništvo, jer predstavlja poveznicu naselja sa središtem grada. Ulica Streljačka, koju svakodnevno koristi veliki broj građana, ne samo iz ovog dijela Moščanice, već i iz naselja Hladvode, sada je sigurnija i funkcionalnija za sve korisnike. Radovi su izvedeni u skladu sa planovima i prioritetima za poboljšanje lokalne infrastrukture za 2025. godinu.



Krak ulice Hladvode (brojevi 135–165)

Asfaltiran je do sada makadamski dio ulice Hladvode, u dužini od oko 300 metara.

Projekat je realizovan u skladu s planiranim aktivnostima za unapređenje lokalne infrastrukture u 2025. godini.

Ulica Komatin

U prvim danima kada su radovi bili mogući, Općina Stari Grad Sarajevo uspješno je sanirala ulicu Komatin, koja je bila oštećena usljed vanrednih vremenskih uslova. Naime, tokom obilnih padavina došlo je do začepjenja kanalizacione cijevi. Umjesto da sačekaju intervenciju KJKP "Vodovod i kanalizacija" Sarajevo, pojedini građani su samoinicijativno uklanjali dio asfalta, što je dodatno pogoršalo stanje. Takvim neovlaštenim djelovanjem uzrokovana su dodatna oštećenja. Došlo je do daljeg začepjenja kanalizacije, pucanja plinske instalacije, kao i oštećenja telekomunikacijskih kablova. Nakon što su nadležna preduzeća KJKP „Vodovod i kanalizacija“ d.o.o. Sarajevo, „Sarajevogas“ d.o.o. Sarajevo, te BH Telecom d.d. Sarajevo uspješno sanirala oštećenja iz svojih nadležnosti, Općina Stari Grad Sarajevo je pristupila potpunoj sanaciji ceste i izvršila novo asfaltiranje ulice Komatin. Pozivamo građane da u sličnim situacijama ne poduzimaju samoinicijativne mjere koje mogu dovesti do većih oštećenja, te da prijave probleme nadležnim službama kako bi se pravovremeno i stručno reagovalo.



Projekti/radovi



Prilaz vrtiću „Bajka“

Na osnovu potreba koje je istakla direktorica vrtića “Bajka” na Vrbanjuši, tokom prethodne posjete općinskog načelnika, Općina je finansirala asfaltiranje dijela dvorišta koji predstavlja pristupni dio samom objektu vrtića. Pored toga, u cilju preventivnog djelovanja i zaštite svih korisnika i zaposlenih, ranije je sufinansirano uklanjanje ruševnog uličnog zida pored objekta vrtića, čime je dodatno osigurana sigurnost okruženja. Podsjećamo da je tokom prethodne godine, putem Službe za urbanizam, prostorno uređenje i zaštitu okoliša, izdato odobrenje za izradu murala u dvorištu vrtića, koji je dodatno obogatio i uljepšao vanjski prostor. S obzirom na važnost kontinuiranih ulaganja i planskog pristupa u skladu s raspoloživim budžetskim sredstvima, Općina Stari Grad planira da u Budžetu za 2026. godinu predvidi sredstva za sanaciju dječijeg igrališta u dvorištu vrtića “Bajka”. Općina Stari Grad Sarajevo ostaje posvećena podršci obrazovnim ustanovama i stvaranju sigurnog, funkcionalnog i podsticajnog okruženja za razvoj djece.





Ulica Maguda

Završeni su radovi na sanaciji ulice Maguda u mjesnoj zajednici Babića bašča. Vrijednost ugovorenih radova na saobraćajnoj infrastrukturi u Starom Gradu je oko 15,5 miliona KM, a velikim dijelom se realizuju zahvaljujući saradnji sa Ministarstvom saobraćaja Kantona Sarajevo i u skladu s Godišnjim planom i programom održavanja i zaštite, kao i programom rekonstrukcije, izgradnje i obnove saobraćajnica.

Ulica Bistrik Basamaci

U okviru projekta koji zajednički realizuju Općina Stari Grad i Direkcija za puteve Kantona Sarajevo, završeni su radovi na sanaciji ulice Bistrik basamaci, dužine 120 metara.

Ulica Toka

Sanirana je i ulica Toka u mjesnoj zajednici Toka Džeka, a što je u skladu sa Godišnjim planom i programom održavanja i zaštite, kao i programom rekonstrukcije, izgradnje i obnove saobraćajnica. Radovi na sanaciji ove ulice planirani su i izvršeni u skladu sa zahtjevima građana koji su izraženi tokom sastanaka općinskog načelnika sa savjetima mjesnih zajednica.

Ulica Bistrik

Završeni su radovi na sanaciji ulice Bistrik, na dionici od Trga Austrije do spoja sa saobraćajnicom Tranzit. Radovi su obuhvatili obnovu kolovoza i pješačkih staza, a izvođeni su na potezu od Ambasade Japana u Bosni i Hercegovini do spoja sa ulicom Put Mladih muslimana, koja se nadovezuje na nedavno obnovljenu magistralnu cestu M5. Ova sanacija predstavlja značajan doprinos poboljšanju infrastrukture i sigurnosti saobraćaja u starom dijelu grada.

Ulica Džanin sokak

Okončana je sanacija ulice Džanin sokak u mjesnoj zajednici Vratnik, u skladu sa Godišnjim planom i programom održavanja i zaštite, kao i programom rekonstrukcije, izgradnje i obnove saobraćajnica. Radovi su izvedeni u okviru planiranih aktivnosti za unapređenje putne infrastrukture na području općine Stari Grad Sarajevo.



Projekti/radovi



Asfaltiranje i zamjena vodovodne mreže (u saradnji s KJKP VIK)

Ovi radovi su dio rekordnih ulaganja od 4,7 miliona KM u vodovodnu mrežu koje realizuje KJKP „Vodovod i kanalizacija“ Sarajevo, kroz kreditno zaduženje kod EBRD-a. To predstavlja jedno od najvećih infrastrukturnih ulaganja u Starom Gradu. Radovi će se nastaviti prema planiranoj dinamici, a sve aktivnosti su usklađene s ciljem unapređenja komunalne infrastrukture i kvaliteta života naših sugrađana.

Sanacija vodovodne mreže u više ulica općine Stari Grad

Okončani su radovi koje realizuje KJKP „Vodovod i kanalizacija“ d.o.o. Sarajevo na sanaciji vodovodne i kanalizacione mreže u ulicama Potok (mjesna zajednica Medrese), te Toromanova, Kečina, Potoklinica (mjesna zajednica Logavina) i Josipa Štadlera. U sklopu istih radova, ove ulice su u potpunosti asfaltirane, čime je dodatno poboljšana infrastruktura i sigurnost za stanovnike.


U toku su i radovi na vodovodnoj mreži u ulicama Besarina čikma, Emića čikma, Mula Mustafe Bašeskije, kao i na drugim lokalitetima na području općine Stari Grad.





Rekonstrukcija glavne ulice (Obala Kulina bana – Telali – Mula Mustafe Bašeskije)

Projekat rekonstrukcije glavne ulice, koji uključuje dionicu Obala Kulina bana – Telali – Mula Mustafe Bašeskije, trenutno je pod nadzorom Direkcije za ceste Kantona Sarajevo.



Načelnik Čengiđ istiĉe:

„Plan za 2025. godinu je rezultat temeljitih analiza, terenskih obilazaka i komunikacije sa savjetima mjesnih zajednica. Pored asfaltiranja postojećih ulica, cilj nam je i da do kraja mandata svi preostali makadamski putevi dobiju asfalt gdje god za to postoje tehniĉke i imovinsko-pravne mogućnosti.“



Projekti/radovi



Sanacija potpornih zidova

U cilju zaštite ljudi i imovine, nastavljaju se radovi na sanaciji potpornih zidova na području općine Stari Grad. Prema usvojenim planovima, završeni su radovi na sanaciji potpornih zidova u ulicama Braće Morić, Mustaj-bega Ličkog, Kamenica (zajedno sa sanacijom ulice) i Jarčedoli. Za naredni period planirani su radovi na sanaciji zidova u ulicama Sedrenik (Prvi bataljon), Sulejmana Zolja, Rogina, Garaplina i Toka, čime će se dodatno unaprijediti sigurnost i stabilnost ovih urbanih područja.





Sanacija i izgradnja stepeništa



U cilju poboljšanja pristupa i sigurnosti pješaka, završeni su radovi na sanaciji i izgradnji stepeništa u ulicama Toka Džeka, Basamaci, Brusulje, Safvet-bega Bašagića i Potoklinica. Ovi radovi značajno doprinose boljoj povezanosti urbanih područja i olakšavaju kretanje stanovnicima. Za naredni period planirani su radovi na stepeništima u ulicama Pehlivanuša, Patke, Krka, Tabijska i Baruthana čikma.



Projekti/radovi



MILIONSKI PROJEKTI U TOKU

Općina Stari Grad trenutno realizuje nekoliko velikih infrastrukturnih projekata čiji je ukupni vrijednost više miliona maraka. Među ključnim projektima su:

- Sanacija fasade, stolarije i krova Doma Oružanih snaga (Zelenih beretki), koja će doprineti očuvanju ovog značajnog objekta.
- Adaptacija prostora za Muzej Mersada Berbera, čime će se unaprijediti kulturna ponuda i zaštita naslijeđa.
- Rekonstrukcija vrtića „Agan Bostandžić“, koja će poboljšati uslove za obrazovanje i sigurnost djece.
- Sanacija fasade Srednje škole poljoprivrede, prehrane, veterine i uslužnih djelatnosti, koja će unaprijediti estetski izgled i energetske performanse ove obrazovne ustanove.

Ovi projekti imaju dugoročne koristi za zajednicu i značajno će unaprijediti infrastrukturu, obrazovanje i zaštitu kulturnog naslijeđa.

Sanacija objekta Doma Oružanih snaga

Projekat sanacije fasade, vanjskih otvora i dijela krova na objektu Doma Oružanih snaga započeo je 2024. godine, nakon što su okončani postupci javne nabavke za odabir najpovoljnijeg ponuđača i nadzora nad radovima, a pribavljena su i potrebna odobrenja za izvođenje radova. Posebnu pažnju prilikom izvođenja radova zahtijeva činjenica da je riječ o objektu koji je nacionalni spomenik Bosne i Hercegovine.

Do sada su završeni radovi na zamjeni vanjskih otvora, uključujući kompletnu zamjenu vanjske stolarije. Trenutno su u toku radovi na sanaciji fasade objekta, uz stalni nadzor i saradnju sa Federalnim zavodom za zaštitu kulturno-historijskog naslijeđa.

Završetak svih radova očekuje se tokom 2025. godine, a projekat se realizuje uz finansijsku podršku Vlade Federacije Bosne i Hercegovine, Vlade Kantona Sarajevo, Grada Sarajeva i Općine Stari Grad. Ovaj projekat predstavlja važan korak u očuvanju kulturnog naslijeđa i unapređenju infrastrukture u Sarajevu.





Rekonstrukcija prostora za Muzej Mersad Berber

U toku su radovi na rekonstrukciji dva poslovna prostora u vlasništvu Općine Stari Grad Sarajevo, koji će biti preuređeni u Muzej Mersad Berber. Paralelno s tim, Općina priprema i projekat sanacije fasade zgrade u kojoj se nalaze ovi poslovni prostori, a u kojoj će biti smještena i Galerija Berber.

Za radove sanacije fasade već je raspisan tender za izbor najpovoljnijeg ponuđača, kao i tender za izbor nadzora nad radovima. Prethodno je Općina pribavila potrebne saglasnosti za izvođenje radova, uzimajući u obzir da se zgrada nalazi unutar područja Urbanog historijskog jezgra Sarajeva, koje je proglašeno nacionalnim spomenikom.

Ovaj značajan projekat finansijski podržavaju Vlada Kantona Sarajevo, Grad Sarajevo i Federalno ministarstvo kulture i sporta, što dodatno potvrđuje važnost očuvanja i promocije kulturnog naslijeđa kroz realizaciju Muzeja Mersad Berber.



Rekonstrukcija Vrtića Agan Bostandžić u završnoj fazi

Radovi na rekonstrukciji Vrtića Agan Bostandžić ulaze u završnu fazu, a otvaranje ovog vrtića očekuje se u drugom dijelu godine. Ovaj projekat predstavlja značajan korak za građane Starog Grada, koji su u više navrata isticali potrebu za novim predškolskim ustanovama.

Nakon završetka radova, Općina Stari Grad razmotrit će mogućnost proširenja kapaciteta i izgradnje novih vrtića, s ciljem zadovoljavanja sve veće potražnje. U međuvremenu, u završnoj fazi rekonstrukcije, Općina je osigurala sredstva za opremanje vrtića te je potpisala sporazum o zajedničkoj nabavci sa JU Djeca Sarajeva.





Sanacija fasade Srednje škole poljoprivrede, prehrane, veterine i uslužnih djelatnosti

U toku su radovi na sanaciji fasade Srednje škole poljoprivrede, prehrane, veterine i uslužnih djelatnosti, a završetak radova očekuje se u drugom dijelu ove godine. Ovaj projekat započet je u saradnji s Ministarstvom odgoja i obrazovanja Kantona Sarajevo i Gradom Sarajevom, a odvija se prema predviđenoj dinamici.

Iako je riječ o objektu od kulturno-historijskog značaja, projekat je prije svega od presudne važnosti za sigurnost učenika, čime se poboljšavaju uvjeti za obrazovanje. Sanacija fasade predstavlja značajno ulaganje u obrazovne institucije i doprinosi očuvanju kulturnog naslijeđa.



Projekti/radovi



Završeni radovi u OŠ „Šejh Muhamed ef. Hadžijamaković“

Načelnik Općine Stari Grad, Irfan Čengić, posjetio je OŠ „Šejh Muhamed ef. Hadžijamaković“ na Hridu, gdje su završeni radovi u sklopu projekta Akcionog plana EBRD-a „Zeleni gradovi“. Ovaj projekat, vrijedan tri miliona eura bespovratnih sredstava EU i osam miliona eura povoljnih kredita EBRD-a, unaprijedio je energetska efikasnost škole.

„Ovo je još jedan od važnih projekata ulaganja u naše obrazovne institucije. Nastavljamo sa sličnim projektima i za ovu školu već smo planirali dalja ulaganja“, izjavio je načelnik Čengić. Nakon završetka ovog projekta, očekuje se značajno smanjenje energetske potrošnje i emisije CO₂, uz uštede za budžet Kantona Sarajevo.

Solarni paneli postavljeni na tri škole u Starom Gradu

U okviru projekta “Zeleni ekonomski razvoj”, koji finansira Švedska, a implementira UNDP u Bosni i Hercegovini, na tri osnovne škole u Starom Gradu postavljene su solarne fotonaponske elektrane. Solarni paneli su instalirani na objektima OŠ “Hamdija Kreševljaković” na Vratniku, OŠ “Mula Mustafa Bašeskija” – Područna škola Sedrenik, te OŠ “Vrhbosna” na Faletićima. Ove škole sada koriste obnovljive izvore energije, što će im omogućiti znatne uštede na potrošnji električne energije, ali i smanjenje emisije štetnih gasova. Projekat doprinosi ostvarenju ciljeva održivog razvoja, te predstavlja značajan korak ka ekološki odgovornijem obrazovnom sistemu. Općina Stari Grad Sarajevo nastavlja s ulaganjima u unapređenje obrazovne infrastrukture, s fokusom na projekte koji doprinose obrazovanju, ekologiji i boljem kvalitetu života za djecu i lokalnu zajednicu.





Sanacija i izgradnja igrališta: Više prostora za igru i rekreaciju

Općina Stari Grad Sarajevo nastavlja s ulaganjima u infrastrukturu za djecu i mlade. Nedavno je svečano otvoreno potpuno obnovljeno vanjsko sportsko igralište u dvorištu Osnovne škole „Hamdija Kreševljaković“ na Vratniku. Pored toga, u saradnji s KJKP „Park“, uspješno je sanirano igralište u ulici Mjedenica, čime je poboljšana sigurnost i funkcionalnost prostora za igru. Također, obnovljeno je i prošireno igralište na Trgu Prve brigade policije, a u planu je i sanacija te proširenje igrališta na Darivi, što će dodatno obogatiti sadržaje za najmlađe.



Projekti/radovi

Radovi na sanaciji ulica u Općini Stari Grad

Trenutno su u toku radovi na sanaciji nekoliko važnih ulica u Općini Stari Grad. U okviru tekućih projekata do sada su završeni radovi u ulici Zmajevac i druga faza radova na rekonstrukciji ceste Barice, a u toku su radovi u ulicama Josipa Štadlera i Logavina.



Planirani radovi u 2025. godini prema Programu načelnika i Općinskog vijeća

Općina Stari Grad Sarajevo, u skladu s usvojenim Programom načelnika i Općinskog vijeća, planira niz infrastrukturnih radova koji će poboljšati kvalitet života građana i unaprijediti saobraćajnu i komunalnu infrastrukturu u 2025. godini. Među ključnim projektima, koji obuhvataju rekonstrukciju i sanaciju postojećih ulica, nalazi se i asfaltiranje nekoliko važnih saobraćajnica i pristupnih puteva. Planirani radovi uključuju: Obhodža lipe, Braće Morić, Iza bašče, Dugi sokak, Save Skarića, dio ulice Krka, dio ulice Gorn-

je Čebedžije, Pristupni put prema OŠ „Vrhbosna“, Iza gaja, dio ulice Škaljin sokak, Kiseljačka, Josipa Štadlera, Bijelina čikma, Hadžidamjanova, Ekmečića čikma i Todora Švrakića. Također, jedan od značajnih projekata u ovoj godini bit će zamjena vodovodne mreže u ulicama Telali i Mula Mustafe Bašeskije, koja će biti realizovana u saradnji s VIK-om.

Ukoliko se ukaže mogućnost, plan će se proširiti dodatnim radovima. Radovi se realizuju iz različitih izvora finansiranja, što utiče na dinamiku njihove provedbe.



„Radimo sistemski, odgovorno i transparentno. Projekti se finansiraju iz više izvora, što prirodno utiče na dinamiku, ali svi planirani projekti idu naprijed“, zaključuje načelnik Čengić.

Općinska inspekcija nastavlja s aktivnostima uklanjanja bespravno izgrađenih objekata

Općina Stari Grad Sarajevo nastavlja s intenzivnim radom na održavanju sigurnosti i kvalitete života svojih građana. Služba za inspekcijske poslove redovno provodi inspekcijske nadzore i preduzima mjere za uklanjanje bespravno izgrađenih objekata, čime osigurava poštivanje zakonskih propisa i zaštitu javnog interesa. Ove aktivnosti obuhvataju uklanjanje nelegalnih građevinskih objekata, opasnih ruševina, te druge mjere za očuvanje sigurnosti i uređenosti prostora.

Ulica Sunulah efendije br. 38 – Bespravno dograđeni objekat uklonjen

Nakon inspekcijskog nadzora, Općina Stari Grad poduzela je mjere za uklanjanje bespravno dograđenog dijela objekta na adresi Sunulah efendije br. 38 u mjesnoj zajednici Logavina.

Ovaj potez usmjeren je na očuvanje sigurnosti i zaštitu građana, jer bespravne gradnje mogu predstavljati ozbiljan rizik za okolinu. Služba za inspekcijske poslove Općine je kontinuirano na terenu i u skladu sa važećim podzakonskim i zakonskim aktima, provodi postupke za uklanjanje svih bespravnih objekata, te druge mjere u slučaju bespravne gradnje.

Ulica Krka br. 38-48 – Uklanjanje opasne ruševine

U okviru aktivnosti na poboljšanju sigurnosti građana, Općina nastavlja radove na uklanjanju opasnih objekata. Uklonjen je napušteni stambeni objekat na adresi Krka br. 38-48. Ovaj objekat, koji je bio u izrazito lošem stanju i predstavljao prijetnju za lokalnu zajednicu je uklonjen. Ruševina je predstavljala opas-



nost za sigurnost pješaka i saobraćaj, a njeno uklanjanje omogućit će sigurniji prostor za sve građane.

Ulica Jankovića čikma – Uklonjena bespravno izgrađena garaža

U ulici Jankovića čikma, Općina Stari Grad uklonila je bespravno izgrađenu garažu koja se nalazila na općinskom zemljištu. Ovaj objekat koristili su fizička i pravna lica bez pravnog osnova, što je uzrokovalo finansijsku štetu Općini. Riječ je o objektima koje su pravna i fizička lica godinama koristila bez pravnog osnova i bez plaćanja bilo kakve naknade, čime je Općini Stari Grad nanescena direktna finansijska šteta.



Dani Općine Stari Grad 2025: Poštovanje tradicije, slava zajedništva i kulture

Od 2. do 12. maja Stari Grad Sarajevo bio je domaćin desetodnevne proslave ispunjene svečanostima, koncertima, izložbama, sportskim i porodičnim događajima.

U periodu od 2. do 12. maja 2025. godine, Stari Grad Sarajevo oživio je bogatu historiju i kulturnu baštinu kroz raznolik program manifestacije Dani Općine Stari Grad. Ova desetodnevna proslava, organizovana na više lokacija unutar najstarije sarajevske općine, okupila je građane svih generacija, prijateljske delegacije i posjetioce koji su uživali u svečanim ceremonijama, izložbama, koncertima, sportskim susretima, gastro manifestacijama i porodičnim programima. Centralni dio proslave obilježen je 2. maja – Danom Općine Stari Grad – kroz simbolične i svečane aktivnosti koje su uključivale posjetu mezaru Isa-bega Ishakovića, turbetu Gazi Husrev-bega i Šehidskom mezarju Kovači, te polaganje cvijeća kod Spomen-obilježja ubijenoj djeci opkoljenog Sarajeva. U okviru svečanosti održana je i sjednica Općinskog vijeća, kojoj su prisustvovala 13 delegacija bratskih i prijateljskih općina iz inostranstva. Dani Općine Stari Grad 2025. potvrdili su važnost njegovanja tradicije, kulture i zajedništva – vrijednosti koje neprekidno povezuju prošlost, sadašnjost i budućnost ove historijske općine.

Druženje i dodjela pomoći boračkoj populaciji



Na Dan Općine Stari Grad, organizovano je i druženje s porodicama šehida i poginulih boraca, ratnim vojnim invalidima te demobilisanim borcima. Načelnik Irfan Čengić i predsjedavajući Seid Škaljić tom su prilikom dodijelili jednokratne novčane pomoći. Ove pomoći podijeljene su porodicama šehida i poginulih boraca, ratnim vojnim invalidima te demobilisanim borcima, pružajući im dodatnu podršku i priznanje za njihovu neizmjernu žrtvu i doprinos.



Posjetom mezarima obilježen Dan Općine

Načelnik Općine Stari Grad Sarajevo, Irfan Čengić, predvodio je delegaciju koja je povodom 2. maja, Dana Općine Stari Grad, posjetila mezar Isa-bega Ishakovića, turbe Gazi Husrev-bega i Šehidsko mezarje Kovači. Ova tradicionalna aktivnost obilježava se svake godine povodom Dana Općine Stari Grad. Važnost 2. maja ilustrira činjenica da je to, osim Dana Općine Stari Grad, također Dan Općine Centar i Kantona Sarajevo. Tog datuma 1992. godine određivao se opstanak Sarajeva, ali i čitave BiH. Općina Stari Grad obilježava 2. maj kao svoj dan od 2001. godine.

Načelnik Čengić istakao je da Stari Grad nije samo historijsko središte Sarajeva, već i simbol multikulturalnosti, zajedničkog života i duhovne snage.

„Stari Grad Sarajevo nije samo geografski prostor – on je simbol višestoljetne historije, kulture i zajedničkog života. Danas, iz tog temelja, gradimo modernu, otvorenu

i razvijenu općinu, među najrazvijenijima u Bosni i Hercegovini“, poručio je načelnik Čengić.

Dobitnici općinskih priznanja povodom Dana Općine Stari Grad Sarajevo za 2025. godinu

Općinska povelja sa zlatnim štitom - Savez Udruženja boraca odbrambeno-oslobodilačkog rata 1992–1995. Općine Stari Grad Sarajevo, **Povelja sa grbom Općine Stari Grad Sarajevo** - Smail Krivić, **Povelja sa grbom Općine Stari Grad Sarajevo (posthumno priznanje)** - Dženan Uščuplić, **Povelja sa grbom Općine Stari Grad Sarajevo** - JU „Muzej Sarajeva“, **Zlatni Sebilj** - Prof. dr. Tatjana Ljujić Mijatović, **Policajac godine** - Zaim Bujak, **Zahvalnica Općine Stari Grad Sarajevo** - Ismet Kapetanović i Muhamed Ačkar





Svečana sjednica Općinskog vijeća Stari Grad

Povodom 2. maja – Dana Općine Stari Grad Sarajevo, 04. maja 2025. godine održana je svečana sjednica Općinskog vijeća, kojoj su prisustvovali vijećnici, predstavnici izvršne vlasti, bivši i sadašnji nosioci javnih funkcija, gosti iz zemlje i inostranstva te brojni građani.



Načelnik Općine Stari Grad Sarajevo Irfan Čengić u svom obraćanju nije govorio o rezultatima administracije, ističući da će o tome biti riječi krajem godine kada se građanima polažu računi. Umjesto toga, poručio je da Dan Općine simbolizira tri ključne vrijednosti koje određuju Stari Grad: dugu i bogatu historiju, zajedništvo i multikulturalnost, te budućnost i razvoj. “U vremenu kada svijet traži razlike kako bi se dijelio, mi čuvamo ono što nas spaja. Naša različitost nije slabost, već snaga”, poručio je načelnik Čengić.

Istaknuto je i da Stari Grad, na temeljima bogate prošlosti, danas postaje jedna od najrazvijenijih općina u BiH – kroz ulaganja u infrastrukturu, podršku mladima, kulturu, sport i turizam.



Predsjedavajući Općinskog vijeća Stari Grad Sarajevo Seid Škaljić istakao je: „Dru-
gi maj za sve stanovnike Starog Grada ima poseban značaj – simbol je otpora, hrabrosti
i odlučnosti građana da brane svoju općinu, grad i domovinu. Taj datum smo proglasili
Danom Općine Stari Grad Sarajevo upravo zbog njegove težine i važnosti. Danas,
nova generacija, kojoj i sam pripadam, ima obavezu da čuva sjećanje na te događaje,
ali i da nastavi graditi institucije naše voljene države. Pred nama su brojni izazovi,
ali i šanse da Stari Grad učinimo još jačom, transparentnijom i građanima bližom
lokalnom zajednicom“.



Gastro događaj “Okusi Starog Grada”

Povodom Dana Općine Stari Grad Sarajevo, ispred Katedrale održan je gastro događaj pod nazivom “Okusi Starog Grada”, koji je okupio veliki broj građana i turista.

Manifestaciju je organizovala Općina Stari Grad Sarajevo, a učešće su uzeli i brojni sponzori, uključujući Buregdžinicu Bosna, DM, Mrvicu Café i Bakery, Klas dd, Sprind dd, Vispak, Pekar “Poričanin”, Amko komerc i brojni drugi.

Posjetitelji su imali priliku uživati u besplatnim porcijama hrane, kafi, slatkišima, a posebnu pažnju privukao je štand s cvijećem kao poklon od Općine Stari Grad Sarajevo. Ovaj događaj ponudio je i mnoštvo prigodnih poklona, slatkiša i cvijeća koji su podijeljeni građanima i turistima. Načelnik Općine Stari Grad, Irfan Čengić, i predsjedavajući Općinskog vijeća, Seid Škaljić, lično su dijelili poklone i cvijeće, donoseći dodatnu dozu pažnje svim prisutnima. U društvu veselih i dobro raspoloženih građana, stotine porcija hrane i pića su podijeljene, a posjetitelji su uživali u bogatstvu okusa Starog Grada i Sarajeva.

Kroz ovu manifestaciju Stari Grad je ponovno potvrdio svoju poziciju jednog od najposećenijih dijelova Sarajeva, bogatog tradicijom, kulturom i gostoljubivošću.



Veliki koncert doajena sevdaha na Baščaršiji

U sklopu manifestacije “Dani Općine Stari Grad Sarajevo”, povodom 17 godina Art kuće sevdaha, na Baščaršijskom trgu održan je veliki koncert doajena sevdaha, koji je okupio brojne zaljubljenike tradicionalne bosanskohercegovačke muzike. Koncert je upriličen u čast očuvanja i promocije sevdalinke kao neizostavnog dijela kulturne baštine Bosne i Hercegovine. Publika je imala priliku uživati u nezaboravnim interpretacijama vrsnih izvođača, među kojima su bili: Kadira Čano, Subhija Šehović, Hamid R. Besko, Vesna Hadžić, Reuf Feković, Bahrija Hadžialić, Andrija Števančić, Izeta Milišić, Branka Sovrlić, Avdo Lemeš, Naida Efendić, Aldijana Dizdarević, Mirhad Okanović, Refija Muslić, Senada Beglerović Leković, Melika Klisura, Meho Fazlić, Ahmed Delija, Rahima Halimanović, Ahmed Bajrić, Semir Hasić, Bajro Tudin, uz pratnju renomiranog orkestra Džihada Polića.

Ovim koncertom, Stari Grad Sarajevo još jednom je potvrdio status kulturnog središta koje s ljubavlju njeguje sevdalinku i domaću muzičku tradiciju.





Održan 'Porodični dan' - najsladji dio Dana Općine

U sklopu manifestacije Dani Općine Stari Grad Sarajevo i u saradnji sa Turističkom zajednicom Kantona Sarajevo – Visit Sarajevo, na Trgu Oslobođenja – Alija Izetbegović održan dječiji program koji je izmamio osmijehe stotinama mališana i njihovih roditelja.

Uz zabavu, igre i iznenađenja, najmlađi su imali priliku uživati u druženju s maskotama omiljenih crtanih junaka, mađioničarskim trikovima, oslikavanju lica, te brojnim drugim sadržajima prilagođenim njihovom uzrastu. Događaj je obogaćen i poklonima za sve prisutne mališane, koje su obezbijedili sponzori – kompanije dm drogerie markt i Amko komerc.



Tradicionalna izložba rukotvorina članica centra Lalek Konya–Sarajevo

U Balkanskom mevlvijsko-istraživačkom centru na Kovačima svečano je održana tradicionalna izložba rukotvorina članica Kulturno-edukacionog centra Lalek Konya–Sarajevo, koja već dugi niz godina predstavlja neizostavan dio programa obilježavanja Dana Općine Stari Grad. Izložbu je otvorio načelnik Općine Stari Grad Irfan Čengić, naglasivši značaj ovakvih kulturnih inicijativa koje njeguju i čuvaju tradiciju kroz kreativni rad žena. Na izložbi su predstavljeni unikatni predmeti izrađeni u tehnikama veza, slikanja na svili, drvetu i foliji, kao i kaligrafije, izrade bižuterije i drugih dekorativnih umjetnosti. Rukotvorine su rezultat rada u radionicama centra Lalek, koje pružaju edukaciju ženama u oblasti umjetničkog stvaralaštva i izrade modnih detalja. Kulturno-edukacioni centar Lalek Konya–Sarajevo osnovan je 2007. godine uz podršku pobratimske Općine Selçuklu iz Konye, čiji su predstavnici također prisustvovali svečanom otvaranju izložbe.





Predstava „Luda kuća“ oduševila publiku

U sklopu Dana Općine Stari Grad, a u saradnji s Turističkom zajednicom – Visit Sarajevo, sinoć je u punoj sali Centra za kulturu i mlade u Jelićevoj ulici odigrana društveno-satirična komedija „Luda kuća“, autora Edina Drljevića, u režiji Saše Petrovića.


Predstava, koja kroz humorističan prikaz svakodnevnih situacija autentično oslikava stvarnost bosanskohercegovačkog društva, oduševila je prisutnu publiku. Kroz dinamične dijaloge i upečatljive scenske momente, gledaoci su imali priliku prepoznati priče o penzionerima, mladima koji sanjaju odlazak iz zemlje, demobilisanim borcima, izbjeglicama i običnim ljudima koji se bore sa birokratijom, korupcijom i ekonomskom nesigurnošću.

Na sceni su briljirali Armin Omerović, Aida Bukva, Edin Drljević, Senka Oruč, Mithad Slatina i Mirsad Imamović, a publika je višestrukim aplauzima nagradila kako njihovu glumačku izvedbu, tako i snažnu poruku koju predstava nosi. „Luda kuća“ do sada je izvedena više od 50 puta, a pogledalo ju je više od 10.000 gledatelja u BiH i dijaspori, potvrđujući svoj status jednog od najzapaženijih kulturnih ostvarenja u regiji.

Stand-up komedija „Macaglu“ nasmijala publiku u Starom Gradu

U sklopu obilježavanja Dana Općine Stari Grad Sarajevo, u prepunoj sali Centra za kulturu i mlade u ulici Jelića, održana je stand-up komedija „Macaglu“. Događaj je realiziran u saradnji s Turističkom zajednicom Kantona Sarajevo – Visit Sarajevo.

Jedan od najpoznatijih stand-up komičara s naših prostora, Dragan Marinković – Maca, još jednom je opravdao očekivanja publike, donoseći večer ispunjenu smijehom, energijom i britkim humorom. Njegov prepoznatljivi stil, u kojem kroz duhovite opaske prikazuje svakodnevne životne situacije, naišao je na veliki aplauz i pozitivne reakcije prisutnih.





Stari Grad proslavio Dan Općine uz koncert grupe Helem Nejse

U okviru obilježavanja Dana Općine Stari Grad Sarajevo, u ulici Zelenih beretki održan je koncert popularne sarajevske grupe Helem Nejse. Događaj je organizovala Općina Stari Grad Sarajevo u saradnji sa Turističkom zajednicom – Visit Sarajevo, a okupio je veliki broj posjetilaca koji su uživali u odličnoj atmosferi i dobroj muzici. Predrupa je bila grupa Shizif.

Pored građana, koncertu su prisustvovali i načelnik Općine Stari Grad Sarajevo, Irfan Čengić, te oko 50 članova pobratimskih delegacija iz više gradova, koji borave u službenoj posjeti Starom Gradu povodom Dana Općine.

Koncert je bio vrhunac svečanosti, koje su protekle u znaku prijateljstva, kulturne razmjene i zajedništva. Građani i turisti su ispunili ulicu Zelenih beretki, a energičnim nastupom Helem Nejse dodatno je upotpunjena proslava najvažnijeg datuma za ovu Općinu.





Upriličen obilazak novog prostora Udruženja “Generacija”

U okviru obilježavanja Dana Općine Stari Grad Sarajevo, upriličen je obilazak novog prostora dodijeljenog Udruženju za promociju i unapređenje zdravlja “Generacija”, koje je ranije proglašeno udruženjem od posebnog značaja za Općinu. Obilasku su prisustvovali načelnik Općine Stari Grad Sarajevo Irfan Čengiđ, predsjedavajući Općinskog vijeća Stari Grad Seid Škaljić, dopredsjedavajući Kerim Smailbegović i vijećnik Muamer Mekić.

Dodijeljeni prostor nalazi se na lokaciji koja je ocijenjena kao idealna za provođenje programa namijenjenih osobama treće životne dobi. Prostor je prethodno saniran, radovi su u fazi završetka, a otvorenje se očekuje u narednom periodu. Prostor će sadržavati moderno opremljene sadržaje koji uključuju prostor za zajednička druženja, salu za tjelovježbu, kancelarije, kao i druge funkcionalnosti prilagođene potrebama starije populacije.



Odata počast ubijenoj djeci Sarajeva iz perioda agresije 1992-1995

Delegacija Općine Stari Grad zajedno sa 13 pobratimskih i prijateljskih gradova i općina odale su počast ubijenoj djeci Sarajeva iz perioda agresije 1992-1995. Odlukom Vlade Kantona Sarajevo iz 2019. godine, 05. maj je proglašen Danom sjećanja na ubijenu djecu opkoljenog Sarajeva. Cvijeće na Spomen obilježje ubijenoj djeci Sarajeva 1992-1995 položila je delegacija Općine Stari Grad, predvođena općinskim načelnikom Irfanom Čengiđem. S obzirom da je ovaj događaj uvršten u program obilježavanja 02. maja, Dana Općine Stari Grad Sarajevo, počast žrtvama odale su i delegacije pobratimskih i prijateljskih gradova i općina, njih ukupno 13.





Finale Lige za osnovce u Starom Gradu: Najbolji su nagrađeni za izuzetne rezultate

Na završnoj ceremoniji Lige za osnovce u Starom Gradu Sarajevo uručene nagrade i pehari najistaknutijim ekipama i pojedincima. Ova inicijativa, koju je pokrenuo načelnik Općine Stari Grad, Irfan Čengić, ponovo je okupila učenike osnovnih škola s ovog područja, a svečano otvaranje održano je sredinom septembra 2024. godine. Tako je, nakon pet godina pauze, Stari Grad ponovo dobio priliku za sportska nadmetanja u odbojci, nogometu i košarci.

Fudbal

U nogometu, prvo mjesto pripalo je ekipi OŠ „Šejh Muhamed ef. Hadžijamaković“, koja je pružila izuzetnu igru tokom cijelog takmičenja. Drugo mjesto osvojila je ekipa OŠ „Edhem Mulabdić“, dok je treće mjesto zauzela OŠ „Hamdija Kreševljaković“. Specijalne nagrade za najbolje igrače također

su uručene, pa je tako najbolji igrač bio Herak Arman iz OŠ „Šejh Muhamed ef. Hadžijamaković“, a najbolji strijelac bio je Abdullah Kurudžija sa 13 postignutih golova, iz OŠ „Edhem Mulabdić“. Nagrada za najboljeg golmana otišla je u ruke Ajtana Turkovića, također iz ekipe OŠ „Šejh Muhamed ef. Hadžijamaković“.

Odbojka

U odbojci, ekipa OŠ „Hamdija Kreševljaković“ zasluženo je zauzela prvo mjesto, dok je OŠ „Mula Mustafa Bašeskija“ bila na drugom, a OŠ „Saburina“ na trećem. Nagrada za najbolju igračicu otišla je u ruke Tajri Kajaniji iz OŠ „Hamdija Kreševljaković“, koja je briljirala tokom cijelog takmičenja.

Košarka

OŠ „Edhem Mulabdić“ zasluženo je osvojila prvo mjesto. Drugi su bili iz ekipe OŠ „Saburina“, a treće mjesto podijelili su OŠ „Mula Mustafa Bašeskija“ i OŠ „Vrhbosna“. Nagrada za najbolju košarkašicu otišla je u ruke Farah Jerlagić iz OŠ „Edhem Mulabdić“, dok je najbolji košarkaš bio Arman Softić iz OŠ „Mula Mustafa Bašeskija“.

Ova sportska liga dala je priliku mladim sportistima da pokažu svoje

vještine i talent, a takmičenja su bila odličan način za promicanje timskog duha i fair play-a među učenicima.

Ovaj događaj sigurno će ostati u sjećanju i podstaći dalji razvoj sportskih aktivnosti u osnovnim školama Starog Grada.



Općinsko vijeće

Sažetak rada Općinskog vijeća Stari Grad Sarajevo u prvih šest mjeseci 2025. godine



U prvih šest mjeseci 2025. godine, Općinsko vijeće Stari Grad Sarajevo održalo je pet redovnih sjednica, na kojima su razmatrani i usvojeni brojni akti i odluke od značaja za unapređenje lokalne zajednice. Kroz konstruktivne rasprave i konkretne poteze, vijećnici su pokazali posvećenost efikasnijem upravljanju resursima, jačanju transparentnosti i pokretanju važnih infrastrukturnih i komunalnih projekata, sve s ciljem poboljšanja kvaliteta života građana.

3. sjednica Općinskog vijeća

Treća redovna sjednica Općinskog vijeća Stari Grad Sarajevo održana je 30. januara 2025. godine. Na dnevnom redu našao se niz ključnih tačaka koje se odnose na različite aspekte upravljanja lokalnom zajednicom, kao i razmatranje predloženih akata iz nadležnosti različitih općinskih službi. Podržana je mapa puta za obnovu i dodjelu kasarne „Jajce“, od strane Vlade Federacije BiH Općini Stari Grad Sarajevo. Ovo je važan korak kako

bi se obratili prema Vladi FBiH sa jasnim planom za obnovu ovog objekta.

Općina je preuzela i kontrolu nad posljednja dva parkinga – na Trgu Austrije i ispred Doma Oružanih snaga BiH, a koji su predmet optužnice protiv bivšeg načelnika. Usvojen je Prijedlog odluke o dodjeli parking prostora u ulici Tekija čikma, JKP Općine Stari Grad, čime ćemo staviti i ovaj parking u funkciju.

4. sjednica Općinskog vijeća

Na 4. redovnoj sjednici Općinskog vijeća Stari Grad Sarajevo, koja je održana 28. februara 2025. godine, usvojeni su brojni važni akti koji će direktno uticati na svakodnevni život građana ove starogradske općine. Načelnik Općine Stari Grad Sarajevo, Irfan Čengić je istakao da će i dalje ostati fokusirani na rješavanje problema i unapređenje uslova života u lokalnoj zajednici. Predsjedavajući Seid Škaljić istakao je kako je Općinsko vijeće Stari Grad Sarajevo još jednom dokazalo svoju posvećenost i opravdalo povjerenje građana.





5. sjednica Općinskog vijeća

Na 5. redovnoj sjednici Općinskog vijeća Stari Grad Sarajevo, vijećnici su razmatrali i usvojili niz odluka i izvještaja iz različitih oblasti. Jedna od tačaka koja je usvojena je izvještaj o poslovanju JKP „Općine Stari Grad“ za prethodni period, kao i odluka o raspodjeli dobiti ovog preduzeća u budžet Općine. Načelnik Irfan Čengić istakao je da su milioni konvertibilnih maraka, koji su ranije završavali u privatnim džepovima, vraćeni društvu, što potvrđuju i konkretni finansijski pokazatelji.

“Izvještaj o radu preduzeća za parking pokazuje da je vrijedilo izdržati sve napade kojima sam bio izložen – i kojima i dalje jesam, svjestan da novi tek dolaze. Pred nama je još mnogo posla kako bismo ovu oblast u potpunosti uredili, ali smo na dobrom i poštenom putu”, izjavio je načelnik Čengić. Posebno je naglašen rast prihoda javne garaže, koja je izgrađena kreditnim sredstvima koja sada Općina vraća. Dok su raniji prihodi bili na niskom nivou, u 2024. godini ostvaren je promet od 1.167.524 KM, što je gotovo trostruko povećanje u odnosu na 2021. godinu. Pored toga, konkretan primjer efikasnijeg upravljanja resursima je parking ispred Doma oružanih snaga, gdje je prihod Općine povećan sa 6.000 KM na 45.000 KM mjesečno.

6. sjednica Općinskog vijeća

Održana je 6. redovna sjednica Općinskog vijeća Stari Grad Sarajevo, na kojoj su vijećnici razmatrali i usvojili niz važnih prijedloga, odluka i informacija iz različitih oblasti nadležnosti

općinskih službi. U okviru tačaka iz nadležnosti Stručne službe kabineta Općinskog načelnika, vijećnici su dali podršku nacrtima odluka o uslovima i postupku dodjele na korištenje dvorišta i sala u administrativnom sjedištu Općine, kao i prijedlogu Sporazuma o sufinansiranju radova rekonstrukcije dijela ulice Hambina carina sa Opštinom Istočni Stari Grad.

Usvojene su odluke o neposrednoj prodaji zemljišta. Općinsko vijeće usvojilo je i niz odluka iz nadležnosti Službe za investicije i komunalne poslove, koje se odnose na



dodjelu parking prostora Javnom komunalnom preduzeću „Općine Stari Grad“ d.o.o. na više lokacija širom općine, uključujući ulice Bistrik, Telali, Trg Austrije, Bentbaša i druge.

7. sjednica Općinskog vijeća

Održana je 7. redovna sjednica Općinskog vijeća, 29. maja 2025. godine. Vijećnici su razmatrali i usvojili niz odluka i akata iz različitih oblasti



općinske nadležnosti. Između ostalog, donesene su odluke vezane za korištenje općinskih sala, statut javnog komunalnog preduzeća, te pokrenuta procedura donošenja nove odluke o prekršajima protiv javnog reda i mira. Usvojen je i prijedlog o uspostavi Registra stanova Općine, sto će doprijeti transparentnijem upravljanju imovine, te više odluka iz oblasti privrede koje se odnose na regulisanje zakupa poslovnih prostora, umanjenje zakupnina. Općinsko vijeće je razmatralo i izvještaj o izvršenju budžeta za prvi kvartal 2025. godine, te usvojilo odluke o izmjenama i dopunama budžeta i načinu korištenja sredstava ostvarenih prodajom poslovnih prostora. Također je usvojena i dopuna godišnjeg plana održavanja i rekonstrukcije saobraćajnica.

“Usvojen je rebalans budžeta kako bismo utrošili sredstva osigurana kroz EU projekte i druge uspješne aplikacije. Usvojena je i odluka o utrošku sredstava od prodatih prostora, koja su uštedjena u prošloj godini i sada idu u konkretne kapitalne projekte”, naglasio je načelnik Čengić.

Međunarodna saradnja i protokol

Protokolarne aktivnosti rukovodstva i vijećnika Općinskog vijeća Stari Grad

Predsjedavajući Škaljić u Turskoj – Prisustvo na brojnim svečanostima stranih ambasada i domaćih institucija – Posjeta prijateljskim općinama i gradovima

Kao demokratsko izabrani zvaničnici, općinski vijećnici uzeli su učešće na brojnim protokolarnim događajima i svečanostima u našem gradu, ali i inostranstvu, te na taj način u dobrom svjetlu predstavili Općinu Stari Grad i njene građane.

Predsjedavajući Škaljić na 7. redovnoj Generalnoj skupštini Unije općina turskog svijeta

Na poziv predsjednika Unije općina turskog svijeta i gradonačelnika Grada Bursa, Uğura İbrahima Altaya, predsjedavajući Općinskog vijeća Stari Grad Sarajevo Seid Škaljić prisustvovao je 7. redovnoj Generalnoj skupštini Unije općina turskog svijeta, a koja se održala u Istanbulu. Skupština je okupila više stotina najviših predstavnika općina članica ove značajne organizacije. Inače, Unija općina turskog svijeta (TDBB – Türk Dünyası Belediyeler Birliği) ima preko 1.000 članica/općina iz skoro 30 različitih država svijeta od Afrike, Balkana, Kavkaza do Centralne Azije. Općina Stari Grad Sarajevo, jedna je od 33 općine iz Bosne i Hercegovine, koje su članice TDBB-a.





Rukovodstvo OV-a na obilježavanju nacionalnih dana prijateljskih država

Predsjedavajući i dopredsjedavajući Općinskog vijeća Stari Grad Seid Škaljić i Kerim Smailbegović u posljednjem periodu bili su gosti na svečanostima u organizaciji različitih diplomatskih predstavništava u našoj zemlji. Riječ je o Iranu, Japanu, Grčkoj, Pakistanu, Irskoj.

Posjete prijateljskim gradovima Novi Pazar i Kragujevac

Na pozive gradonačelnika Novog Pazara i Kragujevca, općinski vijećnici bili su predstavnici Općine Stari Grad na svečanostima ovih prijateljskih gradova.



Međunarodna saradnja i protokol



Aleja ambasadora na Darivi obogaćena novim stablima: Pet ambasadora podržalo tradiciju prijateljstva

U znak prijateljstva i međunarodne saradnje, pet ambasadora i načelnik Općine Stari Grad zasadili su stablo lipe u Aleji ambasadora na Darivi, u Starom Gradu

U Općini Stari Grad Sarajevo nastavljen je običaj sadnje stabala lipe u poznatoj Aleji ambasadora. Ovaj simbolični čin ima dugu tradiciju, a ove godine se pridružilo pet ambasadora i domaćin, načelnik Irfan Čengić, koji su zajedno posadili stabla koja će zauvijek ostati trajni simbol prijateljstva, mira i međunarodne saradnje.

Ambasador Soreca i načelnik Čengić

Šef Delegacije Evropske unije u BiH i specijalni predstavnik Evropske unije u BiH Luigi Soreca sadnjom lipe ostavio je svoj trajni trag u poznatoj starogradskoj šetnici Aleji ambasadora na Darivi. Amba-

sador Soreca šesti je šef Delegacije EU u našoj zemlji koji ima svoje stablo lipe u Aleji ambasadora.

Načelnik Općine Stari Grad Irfan Čengić zahvalio se ambasadoru Soreci na posjeti i istakao značaj evropske podrške našoj zemlji: „EU decenijama pruža najveću podršku Bosni i Hercegovini, i bez obzira koliko put ka članstvu nekada djelovao teško, trajno sam opredijeljen za evropsku budućnost naše domovine. Danas je ambasador Evropske unije, Nj.E. Luigi Soreca, zasadio svoje stablo u Aleji ambasadora na Darivi. Tom prilikom razgovarali smo o milionskim projektima koje zajednički realizuju EU i Općina Stari Grad, kao i o planovima za nove aplikacije na sredstva iz EU fondova. Međunarodne aktivnosti koje pro-

vodimo donose konkretne rezultate našim građanima. Uvjerem sam da smo lokalna zajednica s najjačom međunarodnom podrškom u Bosni i Hercegovini“, poručio je načelnik Čengić.

Na Dan planete Zemlje, ambasadori sa četiri kontinenta zasadili nova stabla lipe

Povodom 22. aprila, Dana planete Zemlje, u Općini Stari Grad Sarajevo 22. aprila je nastavljen običaj dug više od dvije decenije, sadnja stabala lipe u „Aleji ambasadora“.

Ove godine, simbolično su stabla lipe zasadili ambasadori četiri prijateljske zemlje: Nj.E. Maria Clara Duclos Carisio, ambasadorica Federativne Republike Brazil, Nj.E. Syed Kaiser Abbas Shah, ambasador Islamske Republike Pakistan, Nj.E. Åge Sandal Møller, ambasador Kraljevine Danske, Nj.E. Walid Ahmed Abdelfattah Haggag, ambasador Arapske Republike Egipat. Domaćin događaja bio je načelnik Općine Stari Grad Sarajevo Irfan Čengić, koji je u ime građana Općine ambasadore srdačno dočekaio i izrazio zahvalnost na njihovom učešću u ovoj simboličnoj tradiciji.

Broj lipa u Aleji ambasadora dostigao je 243

Od 2002. godine do danas, ukupno 243 ambasadora i visokih predstavnika međunarodnih organizacija posadilo je svoja stabla u ovoj aleji, čineći je živim simbolom mira, prijateljstva i međunarodne saradnje. Ova tradicija, koja se njeguje više od dvadeset godina, predstavlja poštovanje prema prirodi, ali i čast za ambasadore koji time ostavljaju svoj trag u historiji Sarajeva i BiH.



Općina Stari Grad nastavlja njegovati dobre odnose sa međunarodnim i domaćim partnerima kojima pruža stalnu podršku

Načelnik Irfan Čengić izabran za potpredsjednika NALAS-a – Zapaženo učešće na 28. Evroazijskom ekonomskom samitu u Istanbulu - Iftar za članove diplomatskog kora u BiH

U posljednjem periodu, općinski načelnik Irfan Čengić i predstavnici Općine Stari Grad susreli su se sa brojnim stranim i domaćim zvaničnicima, te predstavnicima brojnih organizacija i institucija. Općina Stari Grad na ovaj način pokazuje svoju otvorenost ka dobroj saradnji, ali i pružanju podrške.

Općina Stari Grad postaje ključni akter u regionalnoj mreži lokalnih vlasti

Načelnik Općine Stari Grad Sarajevo, Irfan Čengić, izabran je za potpredsjednika NALAS-a – Mreže asocijacija lokalnih vlasti jugoistočne Evrope, koja okuplja gradove i općine iz zemalja regiona: Albanije, Bosne i Hercegovine, Bugarske, Crne Gore, Hrvatske, Kosova, Moldavije, Rumunije, Sjeverne Makedonije, Slovenije, Srbije, Turske. Pored načelnika Čengića na 20. Generalnoj skupštini učestvovao je i gradonačelnik Bihaća Elvedin Sedić. Načelnik Čengić će, prema planu rotacije, 2028. godine preuzeti predsjedavanje ovom važnom regionalnom organizacijom, što predstavlja značajno priznanje kako za njega lično, tako i za Općinu Stari Grad Sarajevo.

„Velika mi je čast biti izabran u rukovodstvo NALAS-a. Kao načelnik, a ranije i kao zastupnik, ulagao sam mnogo truda u jačanje međunarodne saradnje, što je često donosilo konkretne projekte i koristi za institucije i građane koje predstavljam. Uvjeren sam da će i ovo novo angažovanje doprinijeti još boljoj saradnji među lokalnim zajednicama u regionu i omogućiti pristup projektima finansira-



nim iz fondova Evropske unije“, izjavio je načelnik Čengić.

Načelnik Čengić prisustvovao iftaru Ambasade Pakistana u BiH

Načelnik Općine Stari Grad Sarajevo,

Irfan Čengić, prisustvovao je svečanom iftaru koji je organizirala Ambasada Islamske Republike Pakistan u Bosni i Hercegovini. Domaćin iftara bio je ambasador Syed Kaiser Abbas Shah, a događaju su prisustvovala brojne zvaničice iz političkog, diplomatskog i vjerskog života.

Među prisutnima je bio i reisu-l-ulema Islamske zajednice u BiH, Husein ef. Kavazović.

Međunarodna saradnja i protokol

Načelnik Čengiđ učestvovao je na 28. Evroazijskom ekonomskom samitu

Ovogodišnji samit u Istanbulu, okupio je više od 300 političara, diplomata, akademika i poduzetnika iz gotovo 50 zemalja, fokusirao se na globalne izazove poput sukoba, klimatskih promjena, ekonomske nejednakosti i migracija, a kroz niz panela istaknuta je važnost međusobnog dijaloga, saradnje i inovacija u izgradnji otpornijih zajednica.

Načelnik Čengiđ govorio je na sesiji „Gradovi otporni na katastrofe“, gdje je podijelio iskustva Općine Stari Grad u jačanju otpornosti lokalne zajednice na prirodne, zdravstvene i ekonomske krize.

„Naša općina, s bogatom histori-

„Otpornost ne dolazi sama od sebe – ona se gradi kroz partnerstva, saradnju i stalne napore. Samiti poput ovog su izuzetna prilika da razmijenimo znanja i osiguramo da svaki grad, bez obzira na veličinu, ima alate da odgovori na izazove 21. stoljeća“, zaključio je načelnik Čengiđ.



jom i naslijeđem, preživjela je brojne tragedije – od Prvog i Drugog svjetskog rata do najduže opsade jednog glavnog grada u modernoj historiji. Danas, kao i kroz historiju, pokazujemo da smo zajednica otporna na katastrofe. No, jednako koliko se ponosimo prošlošću, toliko smo posvećeni pripremi za budućnost“, poručio je načelnik Čengiđ.

Starom Gradu održan iftar koji je okupio više od 300 građana Starog Grada. Ovaj iftar, koji je već postao tradicija, svake godine organizuju Općina Stari Grad Sarajevo i Općina Bağcılar Istanbul.

Na iftaru su se okupili građani svih uzrasta, a među prisutnima su bili načelnik Općine Stari Grad Sarajevo, Irfan Čengiđ, predsjedavajući Općinskog

vijeća Stari Grad Seid Škaljić, zamjenik načelnika Općine Bağcılar Said Elkonca i potpredsjednik Općine Bağcılar Muharem Erdal. Ovaj događaj pružio je priliku za zajedničko okupljanje i međusobno povezivanje građana Starog Grada, Sarajeva i turske općine Bağcılar, koja već godinama podržava različite projekte i inicijative u glavnom gradu Bosne i Hercegovine.

Općine Bağcılar Istanbul u posjeti Općini Stari Grad: Jačanje saradnje i zajednički iftar

U dvorani OŠ „Edhem Mulabdić“ u





Tradicionalni iftar u Starom Gradu za pripadnike diplomatskog kora u BiH

Načelnik Čengić i muftija Grabus ugostili su predstavnike diplomatskih misija zajedno sa starogradskim i drugim sarajevskim imamima.

Ovaj događaj, koji se organizuje već drugu godinu zaredom, ima za cilj ujediniti kulture i približiti ljepotu mjeseca ramazana diplomatama koji obavljaju službu u našoj zemlji.

“U ovom svetom mjesecu organizuje se mnogo zajedničkih i društveno odgovornih iftara. Cilj ovog iftara je približiti ljepote mjeseca ramazana diplomatama u našoj državi, kao i odati priznanje i zahvalnost u ime lokalne zajednice našim imamima i muftiji Grabusu. Velika je čast i bogatstvo za istim stolom iftariti sa osobama koje dolaze iz toliko različitih kultura”, istakao je načelnik Čengić.

U srcu Starog Grada otvoren prostor Palestinske zajednice u BiH

Svečanoj ceremoniji u ulici Tabaci broj 2 prisustvovala su brojne zvaničnice iz javnog i društvenog života, članovi diplomatskog kora, te gosti i prijatelji Palestine.

Otvorenju su prisustvovali načelnik Općine Stari Grad Sarajevo Irfan Čengić, Nj.E. gospodin Rezeq N.M. Namoor, ambasador Države Palestine u Bosni i Hercegovini, dr. Majed Maarouf, predsjednik Palestinske zajednice u Bosni i Hercegovini i zamjenik predsjedavajućeg Općinskog vijeća Stari Grad Sarajevo Vedad Deljković.

“Općina Stari Grad na mnoge načine pomaže Palestini. Cilj ovog prostora je da bude spoj naših zajednica i da bude na usluzi širenja istine”, istakao je načelnik

Čengić.

Općinsko vijeće Stari Grad je, u cilju promocije palestinske kulture, dodijelilo prostor Palestinskoj zajednici, kako bi ovaj prostor služio kao centar za očuvanje i predstavljanje bogate kulturne baštine Palestine.

Iftar sa Turskom vojnom misijom EUFOR-a

Turska vojna misija u Bosni i Hercegovini, koja djeluje u okviru EUFOR-a, i ove godine organizovala je iftar na Trgu Prve brigade policije u Starom Gradu. Ovaj događaj okupio je veliki broj građana, predstavnike lokalnih vlasti te predstavnike turskih institucija u BiH.

Pozdravili su ih načelnik Općine Stari Grad Sarajevo, Irfan Čengić, predsjedavajući i dopredsjedavajući Općinskog vijeća Stari Grad Sarajevo, Seid Škaljić i Kerim Smailbegović, koji su se zahvalili EUFOR-u i turskoj vojnoj misiji na organizaciji i odabiru Starog Grada kao mjesta ovog značajnog iftara.



Međunarodna saradnja i protokol

Načelnik pobratim-ske Općine Gos-tivar i ambasador S.Makedonije u pos-jeti

Načelnik Općine Stari Grad Sarajevo, Irfan Čengić, ugostio je načelnika Općine Gostivar Valbona Limanija i ambasadora Sjeverne Makedonije, Nj.E. Jakupa Redžepija u okviru nastavka prijateljskih odnosa između Općine Stari Grad Sarajevo i Općine Gostivar. Sastanku su prisustvovali i predsjedavajući i zamjenik predsjedavajućeg Općinskog vijeća Stari Grad Seid Škaljić i Vedad Deljković.

Ovaj susret imao je za cilj jačanje saradnje između dvije općine koje njeguju prijateljske veze još od 2013. godine.

Načelnik Čengić izrazio je zahvalnost gostima na posjeti, naglasivši da Općina Stari Grad Sarajevo uvijek nastoji njegovati i unapređivati saradnju s partnerima.

Ambasadorica Efthymiadou i načelnik Čengić o saradnji u turizmu

Načelnik Općine Stari Grad Sarajevo Irfan Čengić primio je u protokolarnu posjetu ambasadoricu Helenske Republike u Bosni i Hercegovini, Nj.E. Ioannu Efthymiadou. Tokom sastanka razgovarano je o mogućnostima saradnje između Općine Stari Grad i Ambasade Grčke, s posebnim fokusom na oblasti turizma, kulture i zajedničkog učešća u prekograničnim i regionalnim projektima kroz Instrument za pretprijetupnu pomoć (IPA).

Ambasador Irske posjetio Općinu Stari Grad

Načelnik Općine Stari Grad Sarajevo, Irfan Čengić, zajedno sa predsjedavajućim Seidom Škaljićem, ugostio je Ambasadora Republike Irske za Bosnu i Hercegovinu, Adriana Farrella, koji je prvi put posjetio Općinu



Stari Grad Sarajevo u okviru službene posjete Sarajevu. Fokus susreta bio je na mogućnosti otvaranja Irske ambasade u Starom Gradu, kao i jačanju saradnje u oblasti turizma. Razgovaralo se o

potencijalu za razvoj turističkih veza između Irske i Sarajeva, s posebnim naglaskom na jačanje avionskih linija, naročito u saradnji s avioprevoznikom Ryanair.



Susret prijatelja: Topao doček u po- bratimskoj Općini Osmangazi Bursa

Delegacija Općine Stari Grad Sarajevo, predvođena načelnikom Irfanom Čengićem, boravila je u službenoj posjeti pobratimskoj općini Osmangazi u Bursi, Turska, povodom obilježavanja 699. godišnjice osvajanja Burse i 20. Festivala za komemoraciju Osmana Gazija, osnivača Osmanskog carstva.

“Na poziv mog prijatelja, načelnika Erkana Aydına, prisustvovao sam obilježavanju 699. godišnjice osvajanja Burse i Festivalu posvećenom Osmanu Gaziju. Pored protokolarnih aktivnosti, održali smo niz sastanaka na kojima smo razgovarali o budućim projektima i jačanju saradnje u oblastima privrede,

kulture i povezivanja mladih. Održavanje ovakvih partnerstava od izuzetne je važnosti za jačanje međusobnog razumijevanja, razmjenu iskustava i otvaranje novih prilika za razvoj naših općina”, istakao je načelnik Čengić.

Posjeta Općini Fatih Istanbul: Nas- tavak prijateljske i višedecenijske sarad- nje

Načelnik Općine Stari Grad Sarajevo, Irfan Čengić, boravio je u službenoj posjeti istanbulskoj općini Fatih, gdje se sastao s načelnikom Ergunom Turanom. Ovaj susret potvrđuje nastavak prijateljstva i saradnje koje traje više od tri decenije, a utemeljeno je na međusobnom poštovanju, zajedničkoj

historiji i brojnim realiziranim projektima od značaja za obje lokalne zajednice.

Ova posjeta predstavlja još jedan korak ka produbljivanju odnosa između Općine Stari Grad Sarajevo i Općine Fatih, s ciljem razmjene dobrih praksi i zajedničkog djelovanja na poljima kulture, turizma i lokalnog razvoja.

Moguće bratimljenje sa Općinom Bağcılar Istanbul

Načelnik Općine Stari Grad Sarajevo, Irfan Čengić, boravio je u Istanbulu, gdje se sastao s delegacijom Općine Bağcılar i načelnikom Yasinom Yıldızom.

Tokom sastanka razgovarano je o jačanju međusobne saradnje, s posebnim fokusom na projekte u oblastima kulture, turizma i razmjene iskustava u lokalnoj upravi.



Međunarodna saradnja i protokol

Posjeta učenika gimnazije iz Beograda Općini Stari Grad

Načelnik Općine Stari Grad, Irfan Čengić, upriličio je prijem za 4 profesorice i 34 učenika iz Beograda i Sarajeva, koji su u sklopu projekta razmjene "Superschools" posjetili našu Općinu. Prigodnom susretu prisustvovali su učenici iz Prve gimnazije Sarajevo i XIII beogradske gimnazije, koji su imali priliku razmijeniti iskustva i sudjelovati u nizu radionica s ciljem izgradnje pomirenja i prijateljstva na Zapadnom Balkanu.

Nakon prijema, načelnik Čengić je goste poveo na uživanje u poznatim sarajevskim ćevapima, a Općina Stari Grad im je, kao poseban poklon, omogućila vožnju žičarom.

Učenici iz škole Kadiköy Anadolu Lisesi iz Istanbula u posjeti Općini Stari Grad

Općina Stari Grad Sarajevo imala je čast ugostiti delegaciju jedne od najpoznatijih srednjih škola u Istanbulu, Kadiköy Anadolu Lisesi, koja je boravila u posjeti Sarajevu u okviru saradnje s Prvom gimnazijom.

Ova posjeta rezultat je saradnje između Prve gimnazije iz Sarajeva i Kadiköy Anadolu Lisesi iz Istanbula, započete 2024. godine, koja ima za cilj razmjenu iskustava i jačanje kulturnih veza među mladima iz Bosne i Hercegovine i Turske.

Načelnik Irfan Čengić izrazio je

zadovoljstvo ovom saradnjom, ističući da Općina Stari Grad s prati rad Prve gimnazije i podržava ovakve projekte koji doprinose razvoju obrazovanja i međunarodne saradnje.

Posjeta Srebrenici i podrška aktivnostima

Delegacija Općine Stari Grad Sarajevo, predvođena načelnikom Irfanom Čengićem, predsjedavajućim Općinskog vijeća Seidom Škaljićem i sekretar-



kom Općinskog organa uprave Adelom Plakalo, boravila je u posjeti Srebrenici i Edukativnom centru u Novoj Kasabi. Nastavak je ovo dugogodišnje podrške Općine Stari Grad Sarajevo Memorijalnom centru Srebrenica – Potočari, u cilju očuvanja sjećanja na genocid počinjen u julu 1995. godine.

Potpisan je Ugovor o namjenskom grantu, koji omogućava kontinuirani rad

i dalje provođenje aktivnosti Memorijalnog centra Srebrenica. Ovaj grant ima za cilj očuvanje sjećanja na nevino stradale žrtve genocida, kao i podizanje svijesti o važnosti očuvanja istine o najvećem zločinu počinjenom na tlu Evrope nakon Drugog svjetskog rata.

Susret sa predstavnicima Općine Radeče iz Slovenije

Delegacija Općine Radeče, predvođena načelnikom Tomažom Režunom posjetila je Općinu Stari Grad. Na sastanku u općini, načelnici Čengić i Režun razgovarali su o mogućnosti konkretne saradnje između Općine Stari Grad i Općine Radeče. Inače, Radeče je općina u centralnoj Sloveniji na obalama rijeke Save, 65km istočno od Ljubljane i ima oko 4.000 stanovnika.

Načelnik Čengić u razgovoru sa kiparskim ambasadorom za BiH

Ambasador Republike Kipar, N.J.E. Hommer Mavrommatis, boravio je u službenoj posjeti načelniku Općine Stari Grad Sarajevo, Irfanu Čengiću.

U okviru protokolarnе posjete, načelnik Čengić i ambasador Mavrommatis razgovarali su o mogućnostima unapređenja međusobnih odnosa, te o potencijalu za dalju saradnju u različitim oblastima, uključujući kulturu, obrazovanje i privredu.



Stari Grad slavi i podržava mlade: Defile maturanata, stipendije, nagrade i podrška u obrazovanju

Od svečanog defilea maturanata do podrške talentovanim studentima i učenicima – Općina Stari Grad Sarajevo realizira niz projekata koji prepoznaju trud, znanje i potencijal mladih.



Općina Stari Grad Sarajevo ovih dana obilježava važne korake u podršci mladima kroz niz događaja i inicijativa.

Svečani defile maturanata osnovnih škola bio je centralni događaj, a upotpunjen je uručenjem nagrada najboljim učenicima. Uz to, nastavljeni su programi refundacije troškova za vozački ispit, potpisani ugovori o stipendiranju čak 381 učenika i studenta, nagrađeni najuspješniji studenti UNSA-e, te formalizirana saradnja na realizaciji škole plivanja za četvrte razrede. Sve aktivnosti šalju jasnu poruku – mladi su prioritet Starog Grada.

Defile maturanata i priznanja za najuspješnije učenike

U organizaciji Općine Stari Grad Sarajevo, maturanti završnih razreda osnovnih škola svečano su obilježili

završetak svog osnovnog obrazovanja. Okupljanje je započelo na Trgu Prve brigade policije, odakle su učenici, zajedno s načelnikom Irfanom Čengićem i predstavnicima

O p ć i n e ,



prošetali do Sebilja i sarajevske Katedrale, simbolično povezujući važne

tačke starogradske historije i identiteta. Šetnja je završena prijemom u Gazi Husrev-begovoj biblioteci, gdje su uručene Plakete „Ponos škola Općine Stari Grad Sarajevo“ učenicima koji su tokom osnovnog obrazovanja ostvarili odličan uspjeh i uzorno vladanje.

Refundacija troškova za vozački ispit – podrška mladima

Općina Stari Grad Sarajevo nastavila je sa realizacijom programa refundacije dijela troškova za polaganje vozačkog ispita „B“ kategorije. Ove godine ugovor o refundaciji potpisalo je 50 mladih sa područja općine. Ceremoniji potpisivanja prisustvovali su načelnik Irfan Čengić i predsjedavajući Općinskog vijeća Seid Škaljić, koji je ujedno i pokretač ove inicijative. „Ovo je proces koji se ne prekida – kako

Podrška mladima

aplikacije stižu, tako ih i rješavamo. Stari Grad je jedina općina u Kantonu Sarajevo koja nudi ovakav vid pomoći“, istaknuo je načelnik Čengić. Do sada je ovu vrstu podrške dobilo više od 220 mladih, čime se dodatno olakšava njihova mobilnost i pristup tržištu rada.

Stipendije za 381 učenika i studenta – ulaganje u budućnost

U Općini Stari Grad potpisani su ugovori sa 381 učenikom i studentom koji su ostvarili pravo na stipendije za školsku i akademsku 2024/2025. godinu. Vrijednost ovog programa iznosi oko 700.000 KM. Stipendije su dodijeljene u više kategorija – za nadarene učenike i studente, mlade iz deficitarnih i tradicionalnih zanata, osobe bez roditeljskog staranja, te učenike i studente iz boračkih porodica. Načelnik Čengić je istakao važnost ovog ulaganja, naglasivši da stipendije nisu samo finansijska pomoć, već i priznanje mladima koji pokazuju trud, posvećenost i potencijal.

Prijem za studente dobitnike zlatne i srebrene značke UNSA

Predstavnici Općine Stari Grad Sarajevo upriličili su prijem za osam studenata koji su dobitnici najviših priznanja Univerziteta u Sarajevu – Zlatne i Srebrene značke. Predsjedavajući Općinskog vijeća Seid Škaljić i dopredsjedavajući Vedad Deljković čestitali su nagrađenim studentima i uručili im novčane nagrade. Ova svečanost je još jedan pokazatelj



opredijeljenosti Općine da nagrađuje i prepoznaje akademsku izvrsnost i trud mladih. „Vaš uspjeh je inspiracija drugima i pokazatelj da se trud isplati. Nastavite graditi svoju budućnost, ali i budućnost ovog društva“, poručili su zvaničnici.

Škola plivanja za učenike četvrtih razreda

Općina Stari Grad Sarajevo i ove godine nastavlja realizaciju projekta škole plivanja za učenike četvrtih razreda osnovnih škola sa svog područja. Formalizacija saradnje između Općine i Olimpijskog bazena Otoka potvrđena je potpisivanjem ugovora, uz prisustvo dopredsjedavajućeg Općinskog vijeća Vedada Deljkovića i direktora Olimpijskog bazena Avdije Hasanovića. Škola plivanja usklađena je sa nastavnim



planom i zakonodavnim okvirima iz oblasti fizičkog i zdravstvenog odgoja, a cilj joj je da djeci omogući sticanje osnovnih plivačkih vještina, važnih za njihov fizički razvoj i sigurnost u vodi.



Proljetno čišćenje Starog Grada



Okončana je velika akcija proljetnog čišćenja u Starom Gradu, koja je započela 15. maja 2025. godine na lokalitetu Dariva. Akcija, koja je trajala 15 dana, obuhvatila je sve starogradske mjesne zajednice.

Ova inicijativa Ministarstva komunalne privrede, infrastrukture, prostornog uređenja, građenja i zaštite okoliša Kantona Sarajevo, uključivala je i angažman svih relevantnih komunalnih preduzeća – „Park“, „Rad“, „Vodovod i kanalizacija“ te „Pokop“. Pored njih, u akciji su učestvovali pripadnici civilne zaštite Stari Grad, Gorskog službe spašavanja Trebević, DVD „Vratnik“, uposlenici Općine Stari Grad Sarajevo, Javnog komunalnog preduzeća „Općine Stari Grad“ i Kantonalne javne ustanove za zaštićena prirodna područja Sarajevo. Plan čišćenja lokaliteta napravljen je u saradnji s Općinom Stari Grad Sarajevo.

Općinski načelnik Irfan Čengić izrazio je zahvalnost na podršci proljetnoj akciji, ali je i naglasio potrebu za većim

angažmanom kantonalnih preduzeća na održavanju čistoće i javnih površina, ističući kako su Općine često dodatno opterećene troškovima za ove usluge.

„Nadamo se da će kantonalna preduzeća ove godine uložiti dodatne napore na održavanju čistoće i javnih površina, jer je Kanton Sarajevo uzeo novac od Općina za tu namjenu, a često nam i dodatno naplate te usluge“, istakao je načelnik Čengić, te dodao da vidimo na primjeru Darive da Kantonalna javna ustanova za zaštićena prirodna područja nema kapacitet ni da blagovremeno pokosi postojeće površine iako su zaduženi za upravljanje.

„Zanimljivo će biti pratiti kako će održavati nove površine na kojima su odbili projekat općine da se izgradi prostor za sport i rekreaciju, a posadili hiljade kvadrata trave“, poručio je načelnik Čengić. Akcija čišćenja na području Starog Grada uključivala je čišćenje divljih deponija, zelene površine, pročepljivanje kanalizacija, pranje i čišćenje ulica, košenje trave te sječu stabala i rastinja.



Nove šahovske figure na Trgu Oslobođenja – Alija Izetbegović

Trg oslobođenja – Alija Izetbegović, jedno od najposjećenijih mjesta u Starom Gradu, poznat je kao omiljena lokacija za šahovske partije na otvorenom. Ovo kultno gradsko okupljalište svakodnevno okuplja zaljubljenike u šah, bez obzira na vremenske uslove, te ima poseban značaj za brojne penzionere, građane, ali i posjetioce Sarajeva.

Općina Stari Grad Sarajevo je, u saradnji sa Udruženjem penzionera Općine Stari Grad, osigurala nove šahovske figure i odgovarajuće sanduke za njihovo čuvanje.

U prethodnom razgovoru sa predstavnicima Udruženja penzionera saznali smo da postoji velika potreba za novim šahovskim figurama, kao i adekvatnim sanducima za njihovo čuvanje.

„Znajući koliko našim penzionerima, ali i mnogim građanima i turistima, znače šahovske partije na ovom trgu, nadam se da će



se članovi udruženja, ali i svi građani, odgovorno ophoditi prema figurama i sanducima, te da ćemo nastaviti uživati u zajedničkom druženju uz šah“, izjavio je načelnik Općine Stari Grad, Irfan Čengić.

Podrška



Općina Stari Grad značajno povećala podršku boračkim organizacijama

U cilju jačanja institucionalne podrške boračkim organizacijama i pojedincima koji se suočavaju s pravosudnim procesima zbog odbrane države tokom agresije na Bosnu i Hercegovinu, Općina Stari Grad Sarajevo potpisala je niz važnih ugovora o sufinansiranju. Načelnik Irfan Čengić poručio je da lokalna zajednica ostaje snažan oslonac boračkim udruženjima, te da je budžet za ovu namjenu tokom njegovog mandata povećan za 30 posto.

Povećana podrška Općine boračkim organizacijama

U Općini Stari Grad Sarajevo upriličeno je potpisivanje ugovora o dodjeli finansijskih sredstava za naknadu dijela troškova zastupanja pripadnika Armije RBiH i MUP-a u sudskim postupcima koji se vode prema odredbama Krivičnog zakona BiH, a u vezi s događajima iz perioda agresije na Bosnu i Hercegovinu 1992–1995. godina. Ugovor

je, u ime Općine, potpisao načelnik Irfan Čengić, dok je u ime korisnika sredstava ugovor potpisao Alija Jašarević, predsjednik Udruženja Prve brigade policije Stari Grad. Riječ je o sredstvima u iznosu od 40.000 KM, koja su planirana Budžetom Općine Stari Grad za 2025. godinu za ovu namjenu. Nakon što je Općinsko vijeće usvojilo Pravilnik o sufinansiranju, načelnik Čengić je raspisao Javni poziv, na osnovu kojeg su sredstva i dodijeljena.

Potpisani ugovori o sufinansiranju rada boračkih udruženja

Potpisani su i ugovori o sufinansiranju rada boračkih udruženja koja djeluju na području općine Stari Grad. Ugovore su potpisali: Memo Murtić, predsjednik Udruženja ratnih vojnih invalida (RVI), Kenan Džaferović, predsjednik Organizacije porodica šehida i poginulih boraca, Armis Mašić, predsjednik Saveza udruženja boraca OOR-a 1992–1995, Vahid Alić, predsjednik Udruženja boraca “Bosnae – Zelene beretke”, Nijaz



Memić, potpredsjednik Udruženja “115. brdska brigada”, i Alija Jašarević, predsjednik Udruženja Prve brigade policije Stari Grad.

Načelnik Čengić istakao je da je budžet za borce uvećan za 30% tokom njegovog mandata u odnosu na zatečeno stanje, te dodao: „Općina Stari Grad ostaje posvećena podršci boračkim organizacijama. Ovo su udruženja koja čuvaju istinu o ratu, pomažu porodicama stradalih i rade na zaštiti prava boraca. Naš cilj je da im omogućimo stabilnije uslove za rad i djelovanje.“

Otvorena zgrada za mlade iz SOS Dječijih sela BiH u Čadordžinoj ulici

Riječ je o objektu koji je humanitarac i privrednik Hajriz Brčvak, osnivač Fondacije Hemiiias, donirao Općini Stari Grad Sarajevo - Na 34. sjednici Općinskog vijeća, zgrada je dodijeljena organizaciji SOS Dječija sela BiH na korištenje.



U mjesnoj zajednici Logavina, u ulici Čadordžina, 23. maja 2025. godine svečano je otvorena stambena zgrada namijenjena mladima iz SOS Dječijih sela BiH koji ulaze u fazu polusamostalnog stanovanja. Otvorenju su prisustvovali načelnik Općine Stari Grad Sa-

rajevo Irfan Čengić, predsjedavajući i dopredsjedavajući Općinskog vijeća Stari Grad Sarajevo, Seid Škaljić i Kerim Smailbegović, predstavnici organizacije SOS Dječija sela BiH, mediji, te brojni gosti i prijatelji projekta. „Ovaj projekt predstavlja primjer sinergije i saradnje između privatnog investitora i dobrotvora Hajriza Brčvaka, Općine, ministrice

Ende Pavić Pečenković i nevladinog sektora, odnosno SOS Dječijih sela, koji će realizovati program i omogućiti mladima bez roditeljskog staranja normalan život nakon punoljetstva. U Strategiji razvoja naše općine jasno je zacrtano da želimo biti inkluzivna zajednica za sve što je jedan od ciljeva globalnog razvoja Agende 2030.“, izjavio je načelnik Irfan Čengić.

Zgrada je donacija humanitarca i privrednika Hajriza Brčvaka

Riječ je o objektu koji je humanitarac i privrednik Hajriz Brčvak, osnivač Fondacije Hemiiias, donirao Općini Stari Grad Sarajevo. Na 34. sjednici Općinskog vijeća Stari Grad Sarajevo, zgrada je dodijeljena organizaciji SOS Dječija sela BiH na korištenje.

Objekat se sastoji od suterena, prizemlja, sprata i potkrovlja, a ukupno sadrži sedam potpuno opremljenih dvosobnih stanova. Načelnik Općine Stari Grad Irfan Čengić je prošle godine potpisao ugovor kojim se cijela zgrada daje na korištenje SOS Dječijim selima, bez plaćanja zakupnine, primjenjujući principe socijalnog stanovanja.



